

桐廬  
縣志



人目君為狂而獨為不狂今讀是志風伏篇  
心性貞介多文學之士其君子多輕世而傲物輕與傲  
迹類狂然不失為君子且輕則自重可知傲則不  
端可知至殆有激先王之遠乎而於世家  
怪者不輕與人今此中得所歸故破君記之  
甲戌八月二十一日錢唐丁而記

藥林道人



桐廬誌序

宜興屠君以嘉靖癸未簿桐廬考古

稽文謂無誌匪以彰懿宣化垂遠葺

遺爰諏士僚因畧衍類迄成全書書

成以丙戌春公事挈至京謂予預

國史修纂請一言弁其端予作而歎曰



國史大一統之治之彙括也而縣之有  
誌史之枝裔而備以登夫

國者也是唯宏治者之必懋矣矧君子  
於字內恒必眇睇焉搜摭考覈以研  
故實故視夫人若緩而急焉斯疑迂  
者慨自夫文獻弗足宣尼病焉而季

札觀風乃得備考周禮而司馬子長  
之迹越齊魯而周天下而矧使於其  
國仕於其邦而不能舉其地之故斯  
亦恥矣故畫地分田肇於黃帝任土  
作貢武於大禹掌記時事觴於成周  
而莊子所謂土據者誌之來不有自

哉按嚴州屬邑有六而桐居其一其  
初本揚州境其設邑自吳黃武迄今  
蓋千二百餘禩而廢置者七遷徙者  
三茲書之不常厥居之說也不常則  
人物盛衰以途異戶口登耗以數異  
財計盈縮以時異習俗利病以風異  
夫其不能不異也存乎數而會其異  
以歸諸同也存乎理故有圖經矣而  
散見也理則裂有郡誌矣而比附也  
理則淆有繕本矣而漫亂也理則歎  
於明且備茲其爲書也主圖經采郡  
誌爲類凡四十有一而類各有引綱

目昭燦品式周詳而異者同茲誌之  
容於弗懋也哉矧象於前則風後模  
乎人則勵我姑自其人物而顧謔焉  
則隱逸如方干滕岑嚴侶者其清可  
激也流寓如嚴光謝翱者其高可激  
也仕進如章八元方懋魏新之姚文

敏俞莊襄者其勲業文章可激也而  
矧其品彙殷列類是顧不快於披覩  
也哉是書始以甲申秋季終以乙酉  
春季主修者以君也同修者以教諭  
錢君瓌也纂修者以濮漑俞言王鵬  
舉王瀚鄭謨俞先民諸生也繼祖君

名也述之君字也昔嘗從予游其爲  
政大率體正蠹剔威加惠覃觀是亦  
可以知其體之得乎大而蔚然其有  
成也故序

嘉靖五年歲丙戌冬十月朔旦

賜進士第禮部右侍郎前翰林院侍

讀纂修

國史

經筵講官北海翟鑿序



桐廬縣志凡例

一古者列國皆有史官掌記時事今羗邑有志即其遺意也桐設邑自吳黃武迄今蓋千二百餘年凡七廢置三遷徙其間人物之盛衰戶口之登耗財計之盈縮習俗之利病皆不可以不載也

一本縣舊無志書其事蹟散見於圖經新定續志及府志近年民間雖有繕本然漫亂缺失立例序事歟於明備今惟以圖志為主而補益其所未足釐為四十一類每類別為小序以發其端





庶觀者知所自云

一纂修立例當法

大明一統志但一邑之小自宜詳備故其條件亦不能盡如其式者

一職官他志皆列名宦今惟以宦蹟該之其有政治顯著者則隨疏于其下餘者但著其爵里姓名到任歲月而已

一人物府志有科貢仕宦儒林文藝樂七類或一人而二三見不無涉於贅也今則分為進士鄉舉歲貢薦舉隨類附名疏其官爵政事下至吏

仕亦不遺焉以見均為桐之人物耳

一書人行實表其所長而畧其所短者與人為善之意蓋非史官不敢僭以褒貶並行也

一所收山川人物之類既審之於人復斷之於理的然可信而無疑者始入之仍府志者不在此例

一人物公論必蓋棺而後定故於今之敷歷中外者止書任某官不敢遽加評語蓋有所待也

一志中所載職官似畧人物如詳者蓋職官一時所寓難盡顛末而人物之終身履歷在焉是以

不能不詳於此而畧於彼况二者又有賓主之分也

一元有天下幾百年而事實多無所載者蓋元併宋方回雖有圖經節要不過槓蓋宋志耳既不詳悉於前又經變故於後則亦何所據哉

一名人君子或游寓或謫遷卒老於桐列於宦蹟固不可混於鄉宦亦不可故立流寓以安之

一額設之類釋奠之儀

朝廷已有頒降定式天下所同故不載述

一祀典

文廟三壇及鄉賢名宦祠他志各為一類而府志又混城隍廟子陵祠於各鄉社廟之中似失輕重今皆合而為一以其享常祭而均為祀典神祇也

一桐之詩文古今紀述浩瀚若釣臺自成一集茲不復載其他散見雜出者收之作者氏名初見書年代爵里再見不書慮煩瑣也

一書法當依一統志提綱疏目今皆大書者便觀覽也

一凡志中有將來當續載者則虛左方以俟之

水分抵北

東北抵新城

縣境圖

縣界四十里



東抵富陽縣界四十五里

東南抵浦江

江浦抵南

里十九界縣江

凡例畢



和鳳志

里十六界

水分抵北西

縣治圖



縣界七十里

西抵建德縣界四十里


西南抵建

里四十界


里十七界




儒學圖



碧空亭





桐廬縣志目錄

卷之一

建置

疆域附驛程

風俗

卷之二

戶口

物產

役法

坊巷

分野

形勝

山川

田土

貢賦附課程

鄉隅附區村

卷之三

公署

學校

祀典

鋪郵

倉庫

橋渡

附關埠

臺榭

卷之四

祠廟

寺觀

塚墓

古蹟

宦蹟

流寓

卷之五

進士

鄉舉

歲貢

恩貢例  
貢附

薦舉

吏仕

材幹  
附

卷之六

隱逸

孝友

褒贈

旌義

優老

貞烈

僊釋

雜誌

卷之七

詩詞

桐廬志目錄  
卷之八

文章

目錄畢

桐廬縣志卷之一

總修桐廬縣主簿屠繼祖

儒學教諭錢璨

纂修生員濮旣俞言王鵬舉

王翰鄭謨俞先民

建置

先王之制封建萬國以親民秦罷侯置守  
古制遂不可復故土地之分裂名號之更  
易隨時不同桐廬本以桐君得名即漢桐  
溪鄉之地是後或為縣為州或隸杭隸吳



沿革有不一者故據史志以著之

桐廬嚴之上縣西去郡城一百里本禹貢揚州之域  
荒服之地春秋時屬吳魯哀公二十二年句踐滅  
吳因屬越周顯王三十六年越無疆立楚威王滅  
之并有其地屬於楚秦郡縣天下地介于鄣會稽  
兩郡之間漢隸吳郡富春縣吳黃武四年始析富  
春桐溪鄉之地置桐廬縣隸吳郡又析桐溪鄉東  
北置新城縣西晉末省新城併入桐廬東晉咸和  
九年復立新城歷宋齊梁陳不改隋開皇九年平  
陳縣廢併入錢塘縣隸杭州仁壽二年復置桐廬

縣於桐江西岸隸睦州唐武德四年即縣置嚴州  
以縣之北境七鄉置分水縣割婺女之金華通睦  
州之建德而為嚴之屬邑七年廢嚴為東睦州八  
年復為桐廬縣廢分水而歸之貞觀二十年徙縣  
治於桐廬鄉即今舊縣是也開元二十六年以邑  
有洪水之患復徙於今處去舊縣十五里光化三  
年錢鏐割縣隸杭州宋太平興國三年錢俶納土  
詔還隸睦州宣和三年平方臘隸嚴州咸淳元年  
隸建德府元隸建德路

國朝隸嚴州府編戶五十三里

按圖經貞元中為上縣元和中升為緊縣宋史及  
九域志皆為上縣又按九州志云一萬戶以上為  
望縣七千戶以上為緊縣五千  
戶以上  
為上縣

### 分野

分野之說周禮春秋傳歷代史志莫不具  
載蓋地有是形則天有是星大抵指列宿  
所屬之分而言初不謂地也但星經散落  
久無所考然治亂成於政治而災祥見於  
星象長民者不可不加之意故志之

周禮保章氏以星土辯九州之地所封封域皆有分  
星以觀祲祥春秋緯文耀鉤云蒙山以東至會稽  
皆屬北斗第四權星天官書云牽牛婺女主楊州  
天文志云南斗牽牛須女並北方玄武之宿其辰  
在丑須女即婺女為越分野斗牛為吳分野考之  
地理志會稽多吳地故屬牛三度嚴為會稽西郡  
桐廬為浙上游則亦在其中矣是故星者陰陽之  
精也其本在地而上發於天休咎得失不啻影響  
漢書云郎官出宰百里上應列宿苟得其人則四  
境之內雨暘時若失其人則迅雷妖風恠雲厲氣  
雜然並作政失於此則變見於彼可不畏哉天文

志云須女火守則布帛貴水守則萬物不成洪範  
日月之從星則以風雨觀乎此則占星之事畢矣

疆域驛程

周禮形方氏掌邦國之地域以正其封疆  
今郡縣之有界限即其遺制也桐雖蕞爾  
小邑亦一同百里之地鄉隅之別民物之  
夥皆在其中而道里所至之遠近亦由是  
而知也故志疆域而以驛程附焉

桐廬縣東西八十五里南北一百三十里

東抵杭州府富陽縣界四十五里以東梓口為界自

界抵富陽縣治五十里

西抵建德縣界四十里以安仁牌為界自界抵建德

縣治六十里

南抵金華府浦江縣界七十里以蕩父為界自界抵

浦江縣治二十里

北抵分水縣界六十里以畢嶺為界自界抵分水縣

治二十里

東南抵浦江縣界九十里以狐野嶺為界自界抵浦

江縣治九十里

西南抵建德縣界四十里以冷水堰為界自界抵建

德縣治六十里

東北抵杭州府新城縣界四十里以白峰嶺為界自  
界抵新城縣治三十里

西北抵分水縣界七十里以何村為界自界抵分水  
縣治一十八里

桐江水路在縣治南東沿至富陽縣治九十里西沂  
至建德縣治九十里

桐溪水路在縣治東西北沂至分水縣治一百里

驛程

自縣治抵本府陸路一百里水路九十里

自縣治抵浙江布政司陸路一百八十里水路一百  
九十里

自縣治抵應天府水陸俱一千一百七十里

自縣治抵順天府水陸俱四千四百二十八里

形勝

自古設立都邑必據形勝以自固故齊檀  
海岱而強秦恃嶠函而險桐廬雖褊小而  
江濶山深四達皆巖險之道城堡不設亦  
足以自蔽也容可不志乎

桐君拱揖於其左牛山突起於其右襟大江而帶桐

溪志府山川之勝雄偉非常見朱子奏議錦峰繡嶺見  
經據浙上游錢誠記誠舟航上下之要津嚴郡東面  
之勝槩也

風俗

風氣分南北俗尚有淳漓故王者巡守命  
太師陳詩以觀民風命市納賈以觀民之  
好惡所以禁其氣習而使歸於厚也桐之  
俗士民間有不同庸志其善與未善以俟  
移風易俗之君子

山高水深人性貞介

出圖經

多文學之士

出統志

山谷居

多地狹且瘠民貧而嗇穀食不足仰給他州惟蠶  
桑是務可以無事治不可以多事理出圖經其君子  
多輕世而傲物其小人多勤生而務本出郡志

山川

山川興雲霧以亨品彙以毓奇秀神功妙  
用守土者固有祈報之典桐之境内多名  
山而桐君嚴陵諸山為尤著若水之脉絡  
於南北者多利於民皆不可以不志故凡  
嶺嶺溪湖屬於山川者以類附焉

山

安樂山在縣治北一里縣以此山為主而差低於  
鳳凰山宋時邑人羅彥昇因建石塔以鎮之其  
塔高聳壘七層可升陟元末張仕誠部帥劉真  
據桐廬取磚石築城塔遂毀山下有安樂尼寺  
即今般若寺是也

桐君山在縣治東二里一名桐廬山突然一峰下  
瞰兩江為邑治之蔽障相傳山側舊有桐樹枝  
柯偃蓋蔭蔽數畝嘗有異人採藥求道於此山  
結廬桐樹下或問其姓則指桐以示之因號其  
人為桐君而山因以名焉西征記云自衢歷婺  
至新定曰睦州觀二江之水會合江亭下有山  
巍然直壓其首如渴鰲怒鯨奮迅鬣鬣奔而入  
水之狀上有桐君祠塔青烟白雲出沒有無時  
人目之為小金山實桐廬之一絕也

鳳凰山在縣治東二里下臨橫港中峯拔起兩峯  
傍夾若鳳凰之展翼然因名之山側有小坡宋  
淳熙間丞相曾公懷嘗寓居於此懷雅好山水  
築遐躡挂崖二亭於其上以為遊息之所後人  
號為曾公嶺

戴山在縣治東二里劉宋時會稽戴顓聞桐廬多

名山與昆弟來隱於此因號戴山絕頂頗平傍  
有九田灣相傳舊有顛煉丹鼎竈古詩云丹竈  
何存在時時起瑞煙正詠此也今九田灣猶有  
遺跡云

舞象山在縣治西二里山形如舞象因以為名下  
有圓通寺

常山在縣治西五里晉許邁所隱處也

牛山在縣治西五里當驛道上通閩廣下接杭越  
為往來之要路內逼山外瞰江崎嶇屈曲凡十  
有五里宋建炎己酉金虜兀术大舉入寇犯臨

安泝流而上至是邑歛人錢巖錢鬻率民兵三  
千因險設伏大敗其衆於此虜遂北遁淳熙己  
亥邑令向灃丞趙伯庸等憫行旅多致顛墜於  
是沿江一帶設石柱木柵行者便之知興化軍  
事孫紹遠為記其事元末劉真據桐廬取石柱  
築城扶欄遂廢

鼎峰山在縣治南五里舊有鼎峰書院

金雞山在縣治西十里牛山中塢之左前臨大江  
相傳昔有金雞鳴於此山或曰山形如雞故名  
昔人有詩云天上金雞種何時墜此山祇因鳴

有信流落在人間

獨山在縣治西二十二里上有蕭明王廟

富春山在縣治西四十里前臨大江上有東西二臺一名嚴陵山清麗竒絕號錦峰繡嶺乃嚴子陵釣隱處也西征記云自桐君山而西有羣山蜿蜒如兩蛇對走於平野之上三江之水並流於兩間驚波間馳秀壁雙峙上有東漢故人嚴子陵釣臺孤峰特操聳立千仞奔走利名汨沒塵埃客一過其下清風襲人毛髮豎立使人有芥視功名之心

龍潭山在縣治南十里其山高峻險絕上有龍潭及龍王祠邑人禱雨多應山下有泉溉田數百畝一名武牛山以有龍潭故改今名

寨基山在縣治南十四里相傳昔有避亂者立寨於此故名

金牛山在縣治南十五里相傳昔有人失牛追尋至此見之色變如金入於山穴因以名山

歌舞山在縣治南十五里山下有泉流入剪溪

香泉山在縣治東南二十五里山足有泉其味甘美號香泉山因以名上有華林寺



珠山在縣治東南二十五里亭然於甘溪之上  
圓淨如珠故名

五聰山在縣治東南二十五里山麓有五穴出泉  
故名

斛山在縣治東南二十五里脉自烏石山來平地  
突起高可二百餘丈石壁嶙峋有似斛然因名  
之

大龍山在縣治東南二十五里其勢蜿蜒如蟠龍  
然

虎鎮山在縣治東南二十五里下有張巡廟

侍郎山在縣治東南二十五里上有胡寅侍郎廟  
故名

翠峰山在縣治東南二十七里

青豎山在縣治東南二十七里山下有泉一泓大  
旱不竭

烏石山在縣治東南四十五里漢有三異人為孫  
鍾擇墓地於此山化為白鶴飛去故又名白鶴  
峰

獅山在縣治東南四十五里巔聳巨石若獅形故  
名

新婦山在縣治西北八里前臨桐溪相傳昔有婦人為夫從征不還投水而沒葬於此山因名之高山在縣治東北二十里壁立巉巖內有閻仙洞上有大明院

尖山在縣治西北十五里

靈山在縣治東北四十五里孤高峻拔陟其巔可見杭城相傳白鶴真人嘗煉丹於此絕頂有池名曰龍池池上有巖不知何許人鑿石為真人像每天旱鄉人請水祈雨輒應故名

摩旗山在縣治西北二十三里上有臨溪龍王廟

龍頭山在縣治西北二十五里雲溪之上

法華山在縣治西北二十五里相傳晉時高僧曇翼戒行孤高掛錫松下日誦法華經感群鳥聚聽後人因以名山

環翠山在縣治西北二十五里相傳晉時郭文嘗隱於此山上有僊基石俗又呼為僊碁山

龍角山在縣治西北三十里其山高聳如龍角故名山巔有巨石其縫方直如解號解石傍有泉金谷山在縣治西北三十里

朝使山在縣治西北三十里山頂有巨石高一丈

廣八尺下有座遠望如印臺然故又名印峯

香爐山在縣治西北二十五里山形如香爐四時常有雲氣若紫烟罩之山下有報恩寺保壽院龍洞山在縣治西北三十里其山巉巖行羊腸羊舍許有石峽號洞門越此夷曠中有廣法寺山巔有龍門池溉田二百餘畝相傳有龍潛焉

湯武山在縣治西北三十里

藍田山在縣治西北三十里舊名洋田山絕頂寬平可居宋時里人姚勢傑創精舍於上以為讀書之所遂易今名其舍久廢

清冷山在縣治西北三十里其山高五千餘仞周迴七十里有洞一穴四面出泉溉田五十餘頃雖旱不竭宋時嘗遣使醮祭今村名謝田是也山上有大鐘院相傳為周禪師道場每遇旱官吏取水迎禪師至邑禱雨輒應舊以山有大鐘因名鐘山唐天寶六年始賜改今名

昂山在縣治西北三十里今以是山名居民之地堯山在縣治西北三十里其山突起平地堯然高大故名

羅峰山在縣治西北三十五里羣峰羅列盤桓數

里因以為名

鐘山在縣治西北四十里狀如鐘鄉亦以是得名  
風穴山在縣治西北四十里山下有穴常出風故  
山名仍之

五婆山在縣治西北四十里相傳昔有妖婦石五  
婆居其上故名

儒山在縣治西北四十五里

遮風山在縣治西北四十五里有峯特然高聳半  
空形如屏障以蔽居民故曰遮風巔有田蕪有  
寺曰寶芮

焦山在縣治西北四十里下有市鎮

石柱山在縣治西北四十五里其山絕頂有巨石  
高十餘丈闊一丈遠望如柱故名

雞籠山在縣治西北四十五里俯瞰溪水下有石  
洞自溪乘舟可入洞穴通天宛若雞籠之狀故  
名仍之又名靈雞洞對岬有金雞石相傳昔有  
金雞晝則鳴於石上夜則棲於洞中元何驥子  
詩云鸞鳳高翔短翅低孤飛深入此山棲危機  
恐墮模金手風雨淒淒不復啼

獅子山在縣治西北四十五里形蟠尾捲宛若獅

蹲故名

白石山在縣治西北四十五里下瞰溪流巖壁斗絕高五十餘仞山多白石因名之

盤龍山在縣治西北四十五里山勢環遶如龍蟠之狀故名

翠屏山在縣治西北三十五里

峰

獨高峰在縣治西北二十里突然一峯高峙江上宋嘉定九年有徑山僧妙機據寬平處建七級浮屠及佛殿於其上邑人楊纘書扁宣德中塔為雷震而傾殿亦久廢未有修葺者正德十二年邑人柴浦捐已資建殿宇飾佛像延僧以主之

尖山峰在縣治西北十五里突然高聳鬱然蒼秀雄據質素鄉之水口昔人咏尖山詩有岍北群峯咸拱翠江南一柱獨擎天之句

白鶴峰見烏石山下

雞頭峰一名文筆峰在縣治東南四十里下有雞足庵

瑤峰在縣治西北三十里

嶺

桐峴嶺在縣治北一里路入桐廬鄉

平腰嶺在縣治北五里

廟山嶺在縣治西北十里

桅子嶺在縣治東北十八里

萬重嶺在縣治東北二十五里

九嶺在縣治東北四十里路入新城縣

白峯嶺在縣治東北四十里嶺西有鋪達新城縣

高嶺在縣治北七里

唐皇嶺在縣治西北三十里

緱嶺在縣治西北三十里

塢塘嶺在縣治東北五十里路入新城縣

畢嶺在縣治西北三十里

望水嶺在縣治西北二十里

母嶺在縣治西北二十里


白茆嶺在縣治西北二十五里

樂山嶺在縣治西北二十五里

合嶺在縣治西北二十四里

大嶺在縣治西北二十七里

設桐嶺在縣治西北四十里



范家嶺在縣治西北四十五里宋有進士范寔大  
亨大方居其傍是嶺因名之

周顯嶺在縣治西北五十里相傳昔周禪師顯嘗  
隱於此因以名其嶺通分水縣

五雲嶺在縣治西南四十里

挑嶺在縣治東南七十里東達狐野嶺浦江縣界  
赤洲嶺在縣治西北三十五里其巔縈迴曲折凡  
三里餘中有錢王水穴

巖

金紫巖在縣治北十五里相傳巖有異光若金紫  
因名之

白霧巖在縣治西北十五里山最高天將雨則先  
有白霧滃然罩之故名

僊姑巖在縣治東南二十五里山塢間巖高四丈  
許上有何僊姑祠故名巖下有溪流出栢浦入  
於大江

老鷹巖在縣治西四十里巖有路瀕江傾隘峻險  
攬舟之人涉顛躓者多不能全其肢體成化間  
同知張昇雖命工芟鑿而其險猶在焉

焦山巖在縣治西北四十里峯巒清秀石礪巉巖

下瞰溪流波濤洶湧舟航過此者必稽首以乞  
靈焉

洞

泉口洞在白霧巖下深不可測洞口有泉一泓清  
瑩而甘不以旱澇而有增減溉田數頃

閩僊洞在高山相傳昔有僊人居其中有石闕入  
關十步許曲折而東忽曠然空明藤蘿交加葱  
蒨可愛其北乃洞也回環三十餘丈有基坦平  
可坐百餘人絕頂巉巖竒恠不可名狀巖間石  
乳滴溜不竭中有天池以時而盈虛碧雞以時  
而來去巨蟾以時而鳴默出洞之龍坐禪之牀  
應擊之鼓跨空之橋與夫石佛青粟皆非人間  
所有真僊境也宋時黃裳嘗遊於此作詩十絕  
以紀其勝

洪石洞在縣治西北四十五里洞口有泉上接瑤  
林洞下達天目溪大旱不竭

冷塢洞在縣治西北四十五里有泉二派大旱不  
竭洞中石臺平坦可坐卧夏月極冷陰氣襲人  
毛髮為豎至冬則其水如湯世傳與新城嶠山  
相通



吳楚洞在縣治西北四十五里相傳昔吳楚二王嘗遊於此故名

通天洞在縣治西北四十五里洞穴通天故名  
鶴山洞在縣治西北四十五里洞口闊十餘尺橫入二十餘丈山形如鶴因以名焉

瑤林洞在縣治西北四十五里洞口闊二丈許梯級而下五丈餘中可避世唐宋以來題墨尚新峻有崖夷有地深有潭穿有穴壁有五米狀若雲霞錦綺泉有八音聲若金鼓笙琴犬吠人語可驚可恠蓋神僊百靈遊集之所也元末兵亂

徐舫嘗避難其中有瑤林雜咏一卷又有詩云洞傳緜嶺似彷彿玉笙清石或藏魚鼓雲猶隔犬聲乍居人頗恠異聽耳初驚子晉壺天有無疑彩鳳鳴可想見其勝也

垂雲洞與冷塢洞相近初入洞口藤蘿交加恠石垂下如有雷風人語莫聞行數步則石門曠然明徹上有洞穴仰瞰晴空如別有天又三十餘步次至右堂可容百許人傍有石稜萬片狀如晴雲亂墜復多石佛舊名石佛洞唐貞元十四年縣令劉文會改今名

館僊洞在縣治西北五十里自洞門梯級而下三丈餘有石壁自石壁側入十餘步洞屋高敞乳竇涓滴凝成石柱石塔石馬石龍之類不可名狀自是縈紆曲折而入莫知所窮相傳內有蟾蜍翠鵲壁間多名賢題誌原名赤洲洞唐貞元七年殿中侍御史李士舉來遊改今名象鼻洞在縣治西北五十里

石

僊基石在環翠山之上周圍三丈許方正如碁局相傳晉時郭文嘗隱於此山每與僊侶共奕棋石上後人因號為僊基石宋進士濮桂發咏詩云環翠山間一丈石天然局路分橫直晉時道士煉丹餘曾作棋枰共僊奕

硯石在縣治西北二十五里方二丈許上有水池其形如硯故名相傳宋時喻樗嘗學書於此馬跡石在將軍廟前方一丈上有人馬二巨足跡世傳將軍為神之時於此駐馬故留遺跡云金雞石見雞籠山下

石墩在柴埠江中狀如橫岫此最舟楫憚之倉石在東梓港中潮湧則有聲水平則無其石雖

突出而不礙舟楫遠望如一倉然故以名

一指石在藍田山後其石長一丈高五尺突然綴於巖谷間以一指抵之即動雖多人終不能移元楊維禎詩云一指力可動萬夫莫能移是也箬帽石在縣治北三十里石圍三丈許宛如箬笠蓋於青豎石頂故名

老鼠石在縣治西北四十里地名吳家邊其石近義倉遠望如一鼠故以名

虎嬉石在盤龍山頂其石方五丈許上有虎蹟數處相傳郭僊翁引虎採箬於此虎嬉石上遂留

瓜痕登石上可見錢塘城郭亦聞本縣鐘鼓之聲

擔石在縣治西北四十五里二石重疊上橫下豎方中繩墨卓立溪許人呼為錢王擔石楊維禎詩云擔石在江邊千年尚姓錢徒勞神武力不及祖龍鞭

打鼓石在縣治西北四十五里高十丈方五丈許每天雨夔夔有聲如擊鼓然故名

雙門石在縣治西北五十里兩石對峙如門高濶五丈許中有路通建德縣

江

桐江在縣治南六十步其源有三一出徽州一出衢州一出金華三龍水合而東北注九十里至縣郭之南曰桐江東流歷富陽經杭紹是謂浙江以入於海江兩岍山巒峭峻如削其水深渟若黛宋柳耆卿詞曰桐江好烟漠漠波似染山如削遶嚴陵灘畔鷺飛魚躍至今膾炙人口元絳詩曰悠然五湖意渾欲薄功名蓋覽是景使人忘利名也

河

新河在縣治東北一里元李偽漢張仕誠部帥劉真據桐廬築新城取土而鑿廣數十畝灌浮橋新城里田三四頃

溪

桐溪在縣治北三里其源出杭之天目山經於潛分水二縣東流六十里抵縣治之北迺郭而東南出桐君山下入于桐江一名學渚一名橫港又名分水港舊時以此為桐江而謂縣南者為浙江誤矣

梅林溪在縣治南八里其源自石井源出北流二

三里過山芝浦入於大江

剪溪在縣治南十三里一名穰溪源出歌舞山下  
東南流入於江

甘溪在縣治東南二十五里有大小二源小源自  
西坑嶺出介於白雲源之東東流六十餘里至  
雷塢木杓堰大源自桃嶺出西北流數十里合  
小源歷晦崗復東北流十餘里為窄溪入于江  
以其源甘美故曰甘溪

窄溪在縣治東南三十里乃甘溪之下流由前村  
衆善院之北分派東北流十三里入於江溪口  
名窄溪埠與新城港口相對

應家溪在縣治東南四十五里其源出於屏風源  
山下北流十數里為荻溪又北流數里入於江  
雙溪在縣治東北十里其源有二一自白峯嶺出  
西流一自僊洞山出北流至石攔合而西流歷  
質素桐廬二鄉十餘里為雙溪西南流入於桐  
溪

塢塘溪在縣治東北四十五里其源自靈山出南  
流十餘里過大浦橋合雲溪入於桐溪

雲溪在龍頭山下臨溪其舊名也

桃源溪在縣治西北四十五里發源斜石山下西南流五里許至豎石折而南流歷十餘里合雲溪入於桐溪

龍伏溪在縣治西北二十五里

莪溪在縣治西北三十里發源戴家山東北流二十里至黃村浦入桐溪

荆芥溪在縣治西北五十里發源分水直至清渚港入於江

蘆茨溪在縣治西南四十里有大小二源兩傍山皆壁立大源出自紫洲小源出自西坑嶺至端平橋合流半里許入於江

### 湖

白水湖在縣治西北二十里有東湖西湖鵝湖高塘湖共一百三十餘畝白水其總名也鄉民引水灌田甚廣一境賴焉

### 港

侯渚港在縣治東十五里以洋州為限分而復合隨江水消長港口名侯渚灘

清渚港在縣治西三十五里源出建德縣之雲岫山其上流名杜息溪東南流遶嚴陵山之北又

東流二十里入於大江

源

白雲源在縣治西南四十里一名蘆茨源重山棟天林蔽茂盛鄉民採薪為炭供數州烝爨之用源口對釣臺宋范仲淹登臺望東巖絕壁白雲徐起問之乃唐處士方干舊隱之所裔孫蒙麟讀書之處也遂賦詩寄之曰風雅先生舊隱存子陵臺下白雲村唐朝三百年冠蓋誰聚詩書到遠孫

石井源在縣治南十里

屏風源在縣治東南四十五里上有龍潭其泉自石罅中湧出下有遮風磳外有山對峙鈴鎖狀如葫蘆喉其中寬濶五里許識者謂築其喉以積水則深澳一帶地方可無旱也

洲

縣埠洲在縣治南七十步大江中袤一里許廣半里洲皆沙石潮漲則沒焉

洋洲在縣治東十五里北傍大江南界侯渚港周廻十有五里居民百餘家其陸地宜桑麻粟麥九里洲在縣治東二十五里南臨大江北有小港

其表九里因以為名元何驥子以九里洲漫興  
寄趙雲津劉桂菴云欲寄題封鴈未還洞簫吹  
徹興闌殘雲浮遠樹嵐光潤月墮空江水氣寒  
身在扁舟愁豔頰夢回孤枕悟邯鄲他山風味  
應堪樂整屐何妨慕謝安蓋劉趙乃洲上人也  
桐洲在縣治東三十五里表二十里南臨大江北  
有後港以富陽趙家灘為界相傳昔桐君嘗種  
藥於此上有居民四十餘家及棲霞吉祥二寺

### 潭

石下潭在桐君山下深不可測相傳潭底有一巨  
鐘漁者恒見之其潭魚租舊納於學故徐舫送  
張師文赴桐廬縣學詩云雨落春江俸有魚正  
指此也

龍潭在武牛山上相傳中有神龍禱雨多應傍有  
龍王祠宋淳熙間邑令邵普因旱禱之即驗作  
送龍詞曰山迴環兮古龍湫木陰翳兮枝相樛  
轟雷掣電兮耀靈虬膏澤霽霈兮歲有秋又曰  
奠桂酒兮椒漿雜肴蔬兮薦堂堦顛龍垂休兮  
時厥雨暘豐年之報兮不可忘

牛頭潭在縣治東南二十五里亭涵靜深大旱不



竭灌田二百餘畝

鉛潭在翠屏山下

天井潭在荆芥溪中巨石間天然一竅如人鑿徑  
二丈許是為潭深不可測

難

丘家難

洋難

柴埠難

舒灣難以

上四難並在縣東桐江之下沿入富陽縣界

上漏港難

下漏港難

七里難輿地志云七里

難在東陽江東與嚴陵瀨相接兩山夾峙水駛

如箭諺云有風七里無風七十里蓋舟行艱於

牽挽惟視風以為遲速故耳劉宋時謝靈運詩

所謂一瞬即七里箭馳猶是難是也以上三難

並在縣西桐江之上沂入建德縣界

飯蘿難

舊縣難

牛厄難

臨源難

茆渚難

郭渚難

馬浦難

盛渚難

浪石難

虎跑難

潮逆難

袁闡難

洪石難

四公難

派溪難

焦山難

金潭難

凍難以上十八難並在縣西北桐溪

之上沂入分水縣界

瀨

嚴陵瀨在釣臺下按子陵本傳云耕於富春山後  
人名其釣處為嚴陵瀨輿地志云桐廬有嚴山  
即子陵漁釣處今山邊有石可坐十人名為嚴  
陵釣壇圖經云七里灘距州四十餘里又下數  
里乃至釣臺由是而觀則知釣臺下即嚴陵瀨  
而七里灘又別是一處今人渾而稱之非矣

井

徐家井在縣治東北半里

義井在縣治東永泰寺側其水甘美汲者甚衆民  
均得濟故曰義井地因號甘泉坊一號施水坊  
皆指此井而言也今湮塞又質素鄉亦有義井  
以濟行旅相傳為孫盤峰之祖所鑿今皆呼為  
二井蓋義二聲相近故訛義為二耳  
柯井在縣治西北三十里深不過三尺許雖大旱  
汲之不竭往來掬飲者甚衆鄉人立小亭於其  
上地名柯洲故曰柯井

泉

稱心泉在圓通寺後味極甘美飲者喜之故名

神泉在縣治北十五里桐溪之東泉側三山相映  
高峯獨秀其泉於巖下涌出泓澄皎瑩冬溫夏

涼病者飲之或瘥故名神泉

乳泉在珠山之側平地湧出淵澄深碧灌水濱定安二鄉田二十餘頃大旱不竭甃石為橋上有亭傍有乳泉龍王廟今亭廢廟存

雪水泉在縣治南六十里乃龍湫也高數百丈飛噴巖壑間如雪霰文下鄉人名曰雪水

香泉在香泉山下其味甘美故曰香泉

孝子泉在縣治西二十五里晉夏孝先誠孝所感者縣令李師旦以泉因孝先而出遂名曰孝子泉其水自黃山入於江大旱不竭灌田數百畝

後泉忽涸里人董舉齋沐露禱以身殉之泉復湧味轉甘冽邑令鄭寶嘗表奏而旌之封為司徒崇建廟貌又吟詩以贈末章云近來寂寞無人賞獨酌甘泉為爾清

十九泉在釣臺下泉味甚清美茶經品第天下水味以此泉居第十九故名唐張又新云客有熟於兩浙者自言搜訪未盡嘗志之及刺永嘉過桐廬江至嚴子陵灘其溪至清水色深碧家人輩用陳黑壞茶發之皆至芳香又以前佳茶不可名其鮮馥也又愈於楊子江南冷殊遠矣宋

陳墳有煎茶絕句云十年不泛釣臺船夢想高  
風日月邊今日偶來無住着再嘗灘下煮茶泉  
舊時江岍有天下十九泉亭今廢

池

浴翠池在儒學前一名荷花塘今泮池是也  
龍門池在龍洞山巔又有龍池在靈山絕頂

塘

縣塘在縣治西五十步廣數十畝大旱不竭  
鴛鴦塘在儒學東

太湖塘在縣治西三十里山巒之頂其山自鐘山  
分脉而來曠阜平崗羣峰四擁宛然如一城垣  
湖當其中相傳朝夕盈縮與錢塘潮汐相為進  
退里人俞蓋嘗築室湖南以為讀書之所號太  
湖書屋弋陽黃溥為記

施家塘

曹家塘

包家塘

塢口塘

車家塘俱在孝泉鄉

金竹塘

徐塘

五婆塘

前壠塘

店前塘

孜家塘俱在金牛鄉

庄頭塘

後山塘

范家塘

窪塢塘

端塘

徐家塘

黃泥塘

錢家塘俱

在孝仁鄉

陳家塘 牛頭塘 沈家塘 官路塘

姚家塘 障隴塘 茶山塘 邊下塘

蓮塘 楊家塘 水潭塘 杜家塘

深墓塘 荒塘 寺官塘 俱在水濱鄉

周家塘 下吳塘 東方塘 泉井塘

菱塘 瓦窰塘 黃塘 華家塘俱

在定安鄉

洋塘在桐廬鄉

臨原塘 王家塘 祁家塘俱在質素鄉

乾田塘 袁家塘 上店塘 下嘴塘

窰頭塘 廟塢塘 俞家塘 郭家塘

唐福塘 五隴塘俱在常樂鄉

火家塘在安樂鄉

凌山塘 龜石塘 荒田塘 柴家塘

上園塘 黃鶯塘 魏村塘 白石塘

凍州塘 金家塘 唐村塘 金萬羅塘

董家塘 石柱塘 練家塘 金獅塘

雞窠塘 鍾山塘俱在至德鄉

堰

上塌堰在孝泉鄉

葛家堰 剪溪堰

龍潭堰俱在金牛鄉

上山堰 方家堰

邵家堰 大堰

金波堰俱在孝仁鄉

下舒堰 陸家堰

橫城堰 寺後堰

木杓堰 華家堰

神山堰 鍾家堰

檢七堰 廟前堰俱在水濱鄉

擎上堰 雙溪堰 徐家堰

沈家堰

李家堰 馬黃堰俱在定安鄉

楊家堰 大畝堰 清注堰

徐家堰

扛谷堰 十畝堰 高頭堰

門前堰

大潭堰 章家堰俱在桐廬鄉

羅博堰 石塔堰 赤山堰

後山堰

仁義堰 廟山堰 孫家堰俱在質素鄉

石塔堰 楊樹堰 孫堰

黃潭堰

大石堰 江鎮堰 黃城堰

丫叉堰 張家堰俱在常樂鄉

王四八堰

長潭堰 鄔家堰 俞家堰

潘家堰

墓下堰 官塘堰 陳家堰

楓香堰

鄭家堰 滕家堰 小山堰

高桂堰

楚士堰

力下堰

丫溪堰

六畝堰

石塔堰俱在安樂鄉

鄭家堰

山門堰

湖州堰

孫政堰

青堰

沙田堰

橋頭堰

鮑家堰

楊梅上堰

楊梅下堰

沈家堰

褚家堰

俞家堰

孫堰

鶩脰堰

和尚堰

水碓堰

下新堰

孫家堰

大堰俱在

至德鄉

板堰

楊家堰

落保堰

山下堰

澄清堰俱在鐘山鄉

澳

夏家澳在孝泉鄉

大堰頭澳

泉井澳

蓮塘澳

上澳

董佛泉澳

章村澳

楊梅澳俱在水濱鄉

蒲陽澳

郭家澳

陳婆澳

深澳

泉塘澳

神堂澳

麻車澳俱在定安鄉

桐廬縣志卷之一

桐廬縣志卷之二

總修桐廬縣主簿屠繼祖

儒學教諭錢璫

纂修生員濮既俞言王鵬舉

王翰鄭謨俞先民

戶口

國以民為本即其豐耗衆寡而世道之盛衰政治之得失可知古桐自吳越歸宋至南渡為圻輔最稱繁息既而一經蒙古之兵再罹紅巾之慘十已耗其七八入我





朝賴

列聖清穆之化諸民收撫摩之仁至今視昔遠矣故

序其數以志之

宋

紹興九年

主客戶共一萬三千四戶

主客丁共一萬七千九百五十五丁

淳熙十三年

主客戶共一萬五千二百六十三戶

主客丁共三萬二千九百九十五丁

國朝

洪武二十四年

人戶八千九百三十戶

人口三萬二千七百五十八口

永樂十年

人戶九千二百八十戶

人口三萬三百六十二口

成化八年

人戶六千八百七十八戶

人口三萬五百三十二口

弘治十五年

人戶七千五百三十一戶

人口二萬九千八百四十口

正德七年

人戶八千二百四戶

人口二萬九千九百六口

嘉靖元年

人戶八千四百八戶

人口二萬九千九百九口

田土

田土食貨之所出而軍國子民之所藉賴  
之土田先是如富陽為三等九則洪武中  
有以一則起科建言者

聖祖可其奏而厚遺之雖肥磽之等南北稍殊然而  
豪滑飛詭之蠹則固可以永免矣

國朝

洪武二十四年

田一千四百二十九頃三十九畝九分六釐三

毫

地五百八十九頃四十七畝九分四釐二毫五



絲

基三十五頃五十一畝九分五釐八毫

山一千八百六十一頃六十七畝三分四釐五

毫

塘五十二頃一十畝八分五釐

湖一頃三十一畝二分七釐三毫

永樂十年

田一千五百九十一頃五十八畝二分二釐五

毫八絲五忽

地六百六十四頃六十九畝一分一釐三毫五

絲

基三十五頃六十四畝九釐三毫

山同前

塘五十二頃一十四畝六分

湖同前

成化八年

田一千六百二十頃二十畝七分五釐

地六百九十四頃九十八畝四分六釐九毫

基三十五頃六十九畝八分九釐三毫

山同前

塘五十二頃四十四畝五分二釐六毫

湖同前

弘治十五年

田一千六百二十一頃三十八畝七分五釐八

毫

地七百二頃七十九畝一分五釐

基與成化八年同

山同前

塘與成化八年同

湖同前

正德七年

田一千六百二十一頃五十七畝一分二釐七

毫八絲五忽

地七百四頃七十畝四分二毫五絲

基同前

山同前

塘同前

湖同前

嘉靖元年

田一千六百二十一頃七十一畝四分四釐

地七百四頃七十四畝八釐七毫五絲

基同前

山同前

塘同前

湖同前

物產

古者有土宜之法以辨土物壤物以阜人  
民以處草木鳥獸使各得其所桐之土產  
皆他處所有似無待於贅也然

明主疇若之意無以荅之謹備錄焉一以著民生服  
食相需一以見草木鳥獸咸若

穀品

淮西稻

縮頸稻

硎口白

銀條白

高田晚

黃秈稻

白黃秈

金粳銀

羊毛白

霜落晚

趕陳糯

胭脂糯

烏節糯

早糯

秋糯

雪糯

大麥

小麥

蕎麥

私粟

糯粟

蘆稔

白芝麻

黑芝麻

赤芝麻

青豆

黃豆


赤豆

菜豆

田豆

蠶豆

豌豆



豇豆 刀豆 匾豆 摘菜豆

虎斑豆 羊角豆 羊眼豆 裙帶豆

蔬品

油菜 芥菜 白菜 菘菜

莧菜 甜菜 芹菜 薺菜

苦菜 蕨菜 蘿蔔 苘蒿

苦蕒 蒿苳 芫荽 茭白

葫蘆 王瓜 冬瓜 甜瓜

絲瓜 茄子 葱 蒜

韭 薤 芋 筍

焯 俗名山芥菜

果品

梅 桃 李 柰

杏 梨 柿 栗

橘 橙 棗 菱

櫻桃 石榴 花紅 楊梅

銀杏 枇杷 葡萄 西瓜

竹品

箭竹 斑竹 貓竹 早竹

箭竹 紫竹 石竹 水竹

木品  
筆竹

苦竹

桃枝竹

鳳尾竹

木品

松

栢

杉

樟

楮

檜

桐

梓

楓

桑

栝

柳

槐

檀

榆

椿

棟

樸

榿

穀

冬青

黃櫨

白櫨

黃楊

白楊

花品

菊

桂

蘭

蕙

葵

荷

牡丹

芍藥

海棠

荼蘼

薔薇

芙蓉

山茶

山丹

山礬

金蓮

金錢

紫薇

紫荊

玉簪

百合

百結

水僊

剪金

臘梅

碧桃

梔子

木槿

瑞香

護草

芭蕉

菖蒲

米糶

石菊

郁李

茉莉

躑躅

杜鵑

鶯粟

鳳僊

同畫七三

木品三



雞冠 月月紅 滴滴金

藥品

茯苓 決神 前胡 白朮

瓜蒌 菝葜 葶藶 薄芎

貝母 桔梗 半夏 紫蘇

苦參 枳實 青皮 烏梅

紅花 香薷 大黃 蒺藜

荊芥 蒼耳 蟬蛻 斑貓

鹿茸 陳皮 乾葛 天花粉

天門冬 赤芍藥 白芍藥 何首烏

款冬花 野菊花 金銀花 山查子

山梔子 枸杞子 蓖麻子 車前子

決明子 香附子 地骨皮 桑白皮

五加皮 石菖蒲 天南星 野天麻

穿山甲 王不留行

禽類

雞 鶩 鴨 鵝

鵲 鴈 燕 鶯

鷗 鷺 鸛 雀

鳩 鴿 鷹 鷄



雉 鴉 鴛鴦 鴝鵒

鷓鴣 子規 姑惡 畫眉

竹雞 啄木 百舌 戴勝

鷓鴣 鵲鴿 青鴝 山鵲

布穀 透倉 青絲 伯勞

告天 野鳧 練鵲 鷓鴣

白頭公

獸類

牛 馬 驢 騾

羊 犬 貓

鹿 麋 麀 麂

兔 虎 豹 豺

狼 猴 狸 獺

熊 蝟 山羊 野猪

竹狗 刺虎 野貓 黃鼠

松鼠

鱗類

鯉魚 鰕魚 鱖魚 鯽魚 鯽魚 鯽魚 鯽魚

鱒魚 鱸魚 鱒魚 鱒魚 鱒魚 鱒魚

鱒魚 鯖魚 鱒魚 鱒魚 鱒魚 鱒魚

鯪魚

鯪魚

白魚

潮魚

鰻魚

鰻魚

黑鱧

河豚魚

石斑魚

莢葉魚

介類

龜

鼈

龜

蟹

蚌

蝦

螺

黃蜆

烏鰂

貨類

絲

綿

紬

絹

布

茶

漆

蜜

蠟

燭

柴

炭

棧

箬

籐

苧麻

黃麻

靛青

葛麻

綿花

末香

蔗粉

麻油

清油

菜油

桐油

石灰

石葷

桑皮

穀皮

草紙

墨煤

貢賦附課程

貢者下之所供賦乃上之所取若夏書之

厥貢厥賦周官之九貢九賦是已桐廬自

宋以來有土貢有田賦有雜賦又有諸色



課程皆上所取而下所供者故書以志

土貢

宋

絹三疋

苧布一疋舊貢竹筆南渡後以苧布折貢

國朝

茶芽二斤出至德鄉永樂二年始

石榴出孝仁水濱二鄉每歲採摘無常數永樂

六年始天順七年正陽月盛寒樹悉枯自是

永免貢

野味舊額鹿兔白鷓雉雞烏雌共一十七隻今

徵銀一十八兩二錢六分九釐二毫六絲

正賦

宋

夏稅舊額絹九千九百八十六疋七尺五寸紬

三千六百七疋三丈二尺九寸綿一千一百

四十屯一兩八錢淳熙十三年絹四千八百

五十六疋有疇紬二千六百二十二疋有疇

綿三千五百二十三兩

秋糧舊額苗米四千二百六石五斗八升六合

六勺淳熙十三年四千二百八十六石有畸

國朝

洪武二十四年

夏稅絲一十四萬九千二百三十一兩九錢九

分四釐三毫六絲二忽五微綿一千七百七

十二兩四錢八釐七毫五絲折絹七千二百

五十八疋零一丈八尺

秋糧米四百五十二石一斗六升九合六勺六

抄六撮六圭七粟

永樂十年

夏稅絲一十六萬四千一百六兩一錢二分有

畸綿一千七百七十五兩六錢六分有畸折

絹七千九百七十三疋零二丈四尺

秋糧米六百七十八石五斗一升三合

成化八年

夏稅絲一十六萬七千四百六十七兩五錢五

分二釐四毫綿一千七百七十八兩五錢六

分九釐五毫折絹八千一百三十四疋二丈

二尺五寸有畸存留荒絲五千一百五十兩

秋糧米五百三十六石七斗一升六合三勺

弘治十五年

夏稅絲一十六萬八千三十四兩七錢七分一  
釐七毫綿一千七百七十八兩五錢六分九  
釐五毫折絹八千一百五十四疋零一丈二  
尺五寸三分四釐四毫餘作存留荒絲  
秋糧米與成化八年同

正德七年

夏稅絲一十六萬八千九十八兩五錢一分三  
釐五毫綿一千七百七十八兩五錢六分九  
釐五毫折絹同弘治十五年餘作存留荒絲

秋糧米同前

嘉靖元年

夏稅絲一十六萬八千一百三十八兩九分二  
釐五毫綿一千七百七十八兩五錢六分九  
釐五毫折絹同前餘作存留荒絲

秋糧米同前

雜賦

宋

和預買舊額絹一萬二千六百八十疋紬四千  
七百二十五疋絲四千兩生紬線一千兩淳

熙十三年絹一萬二千一百八十疋紬三千三百八十六疋生紬線八百兩絲無增減

茶租錢舊額一千八百三十二貫文淳熙十三年六十貫文

免役錢舊額九千九百五十五貫五百四十八文淳熙十三年一萬一千一百三十五貫二百一十五文

國朝

額辦物料

農桑原額六萬八千九十三株每株料絲二分

五蠶共絲一千七百一十六兩一錢二分五

釐折絹八十五疋二丈四尺一寸九分

段疋各色光素紵絲一百一十疋一尺四寸內

里甲荒絲一百四十五兩二錢四分五釐九

毫糧長荒絲三百九十九兩四錢七釐辦料

解府發織染局織造類解

藥材茯苓一百一十一斤一十一兩吳茱萸七

斤十三兩接蕒七兩四錢八分

末香一十七斤

顏料槐花九十斤烏梅二百斤梔子三十斤

羽毛二萬五千根

桑穰一萬一千斤

皮張毛皮九十張銷熟皮二百六十二張

弓張黑漆角弓二百七十五張隨弓弦一千二

百七十五條箭二千五百枝辦料解府發雜

造局造解

曆日紙黃白二色歲無常數

以上物料舊解本色今往往折價增減不一

矣此外又有派辦等項難以枚舉蓋額辦者

皆常年所供派辦則一時所取或取此或取

彼初無定規而所取多寡亦無定數其物價

之輕重隨時低昂悉從官定往往皆驗里均

派近年又以丁糧多寡而派納焉其為法愈

密矣然民雖貧而畏法易於催科逋負之弊

則無有也

課程

宋

茶遞年批發一十九萬二千一百二十斤計引

錢三萬二千七百九十六貫文住賣三百斤

計引錢五十一貫文紹興九年批發一十九

萬二千二百斤計引錢三萬二千六百九十  
一貫文住賣四百斤計引錢六十八貫文淳  
熙十三年批發一十九萬二千一百四十斤  
計引錢四萬二千二百六十四貫文住賣五  
百斤計引錢一百一十貫文

鹽遞年九十四萬九千五百斤計引錢四萬六  
千六百二十二貫文紹興九年賣一百二萬  
六百斤計引錢五萬八千二百四十八貫文  
淳熙十三年賣九十六萬八千一百斤計引  
錢六萬七千七百六十七貫文

礬遞年四百斤計引錢三十九貫文紹興九年  
賣二百斤計引錢二十四貫文淳熙十三年  
賣二百六十九斤計引錢二十六貫九伯文  
酒稅縣郭酒務祖額一萬四千五百二十五貫  
一伯八十一文紹興九年收一萬六千六十  
五貫四百三十七文淳熙十三年收一萬五  
千八十五貫七伯四十文村坊舊額一十四  
處並人戶買撲元額一界淨利錢一萬一千  
五百三十貫五伯文紹興九年每月課利錢  
一百六十六貫四十七文淳熙十三年收一



界淨利錢二萬七百九十六貫二伯四十文  
增添五分錢一萬三百九十八貫一伯二十  
文每月課利錢一百三十七貫八伯四文  
稅務祖額一萬九千一十一貫文紹興九年收  
二萬三百五十六貫文淳熙十三年收五萬  
二千五百一十五貫二伯四文  
牙弊稅錢祖額一千三百五十三貫文紹興九  
年收二千四百九十四貫文淳熙十三年收  
五千四百八十七貫六伯九十文

國朝

鹽課鈔七百六十四錠二貫糧米六百七十六  
石一斗一升三合七勺五抄有閩七百三十  
二石四斗五升六合五勺六抄二撮五圭  
酒醋課鈔八十一錠四貫二伯四十文有閩八  
十八錠三貫三伯四十文  
茶株課鈔八錠四貫六伯四十文  
窰竈課鈔一十六錠一百六十文有閩一十七  
錠一貫八伯四十文

碓磨油榨課鈔二百三十六錠三貫六十九文  
有閩二百六十錠一貫八伯一十一文

房賃課鈔一十六錠二貫二伯四十文有閩一十七錠四貫九十三文

商稅并加增課鈔二千五百二十八錠六貫五十八文有閩二千七百四十錠二貫六伯三十三文

茶法引由工墨鈔三十五錠四貫

契本工墨鈔四貫

魚課鈔九十三錠一貫四伯文有閩一百一錠二百七十文

帶管裁革稅課局魚課鈔五錠一貫四伯文有

閩五錠三貫六伯文

役法

役民固為政所不能免失其宜則民病矣  
桐廬不當大邑之半其正役雜役與之相  
比然路要衝供應旁午不軫念而省郵均  
平之日見其坐困轉徙也故備役法以告  
愛民之君子

國朝以一百一十戶編為一圖選其丁糧多者十戶  
為里長其餘皆為甲首十年輪役一次專以催辦  
錢糧追攝公事又選其高年有德者為老人給以

教民榜有糧長以徵收夏稅有總小甲以巡捕盜賊是皆正役也其役過里甲又充均徭之役則有皂隸門庫之類是皆雜役也版籍十年而一造故里甲均徭亦各以十年而一役正役之外有清軍清匠之解均徭之外有鄉夫火夫之勞其站船紅船水夫民壯及遠方馬頭之役今皆隨丁田而均派家家受役又不雜諸役之中矣

糧長本縣四區每區設正糧長一名副糧長二名共一十二名

里長五十三里每里歲役一名

甲首五十三里每里歲役十名

老人每里設一名

總甲每里設一名

小甲隨居民多寡而立其數不拘

以上諸役惟里甲為最重凡百科數皆在焉然亦有不同良善者多受害狡猾者或得利前輩有云強者當役則以百家之瘠為一家之肥弱者當役則因一歲之供傾屢歲之資其言信不誣矣

額班皂隸南京四名按察司三名都司一名本

府四名本縣九名以上每名各定銀一十二兩有閩加銀一兩

直堂皂隸南京三名每名定銀一十兩本縣三十六名每名定銀五兩四錢

借撥皂隸屯田道二名每名定銀七兩二錢

馬夫本縣四十名每名定銀四兩

齋夫本縣儒學六名每名定銀一十二兩有閩加銀一兩

膳夫府學三名縣學八名每名定銀一十兩

大戶三名半每名定銀三十兩

富戶三名每名定銀三兩三錢

門子按察司一名本府管糧廳一名每名定銀

七兩二錢本縣二名布政分司二名按察分

司二名每名定銀四兩府館一名定銀三兩

社稷壇一名山川壇一名邑厲壇一名每名

定銀二兩府學一名縣學三名每名定銀七

兩二錢

庫子本府一名本縣二名每名定銀六兩儒學

二名每名定銀七兩二錢

斗級本府和豐倉二名每名定銀五兩本縣存

留倉二名每名定銀四兩預備倉四名儒學  
倉三名每名定銀七兩二錢

巡鹽應捕本府五名本縣一十名每名定銀五  
兩四錢

巡捕應捕本縣一十名嘉靖三年革

獄卒五名每名定銀七兩二錢

鐘夫一名定銀三兩五錢

鼓夫一名定銀三兩五錢

渡夫三名每名定銀二兩

弓兵桐江巡檢司四十名內分水縣編僉一十

名每名定銀五兩

驛使縣前鋪一名定銀四兩

鋪司每鋪各一名每名定銀四兩內尖山白水

湖瑤峯袁闡四鋪每名定銀三兩

鋪兵縣前鋪八名上塢鋪渡濟鋪石嶺鋪雙溪

鋪白橋鋪潘舍鋪白峯鋪各六名每名定銀

四兩尖山鋪白水湖鋪瑤峯鋪袁闡鋪各四

名每名定銀三兩

館夫桐江驛一十二名每名定銀一十兩

歲貢甲首府學一名縣學間歲六名每名定銀

一十兩

以上諸役惟大戶為最重而斗級次之若歲辦坐派及諸官物之領解則以見役里長視其所費多寡為輕重軍匠之清解則以遞年里長視其道路遠近為輕重其相去有倍蓰什百者苟審處失宜不免債事敗家之患故曰能寬一分則民受一分之賜此長民者所宜留意也

鄉隅

古者有井牧什伍所以度地居民後世因

之而州邑有鄉隅之制桐自設邑以來鄉

都併省不一至我

朝列為十一鄉二十八管南北為鄉鄉有里

附邑為坊坊有隅又別為四區以分轄鄉

隅糧稅其立法為益密矣故詳志之

漢

桐溪鄉隸富春縣

吳

即桐溪鄉建桐廬縣治

唐

鄉四十各有里其後併省不一

宋初

縣廂五界

縣前界

市心界

合江界

市北界

市西界

鄉一十八里四十四

桐廬鄉三里通靈里桐溪里溫泉里

衣冠鄉二里左侯里衣冠里

質素鄉四里常滿里僊基里臨源里建善里

臨源鄉二里石門里建福里

至德鄉五里如曾里下村里姚宅里厚倫里潮

逆里

移風鄉四里移風里浦賢里白石里凍洲里

安樂鄉三里永寧里常山里依竹里

常樂鄉四里章邑里豐樂里龍池里守直里

鍾山鄉二里豐義里博子里

孝泉鄉一里邑瑞里

仁孝鄉一里孝義里

金牛鄉二里井泉里侯渚里

德政鄉一里通溪里



孝仁鄉二里上林里浙河里

水濱鄉三里潭紙里梅林里桃嶺里

定安鄉二里桐洲里新興里

來安鄉二里懷仁里橫山里

邁寧鄉一里中浦里

熙寧中行都保甲法併鄉為十一南扇五鄉併仁孝

入孝泉併德政入金牛併邁寧來安入定安孝

仁水濱二鄉仍舊北扇六鄉併衣冠入桐廬併

臨源入質素併移風入至德常樂安樂鍾山三

鄉仍舊管保甲一十九都北扇一十一都以桐

廬鄉左侯里為一都衣冠里為二都質素鄉臨

源里為三都常滿里為四都至德鄉白石里為

五都移風里為六都常樂鄉章邑里為七都龍

池里為八都安樂鄉常山里為九都鍾山鄉博

子里為十都豐義里為十一都南扇八都以孝

泉鄉邑瑞里為十二都孝義里為十三都金牛

鄉通溪里為十四都孝仁鄉浙河里為十五都

水濱鄉梅林里為十六都桃嶺里為十七都定

安鄉懷仁里為十八都中浦里為十九都

元承末制



國朝以邑中為隅而仍隸於金牛鄉邑外仍為十一鄉而鄉各有管有圖

孝泉鄉在縣治西所轄管二圖二

一管一圖 二管一圖

金牛鄉在縣治南所轄管四圖四

一管一圖 二管一圖 三管一圖

四管一圖

孝仁鄉在縣治東南所轄管三圖三

一管一圖 二管一圖 三管一圖

水濱鄉在縣治東南所轄管四圖十

一管一圖 一管二圖 一管三圖

二管一圖 二管二圖 二管三圖

三管一圖 三管二圖 四管一圖

四管二圖

定安鄉在縣治東南所轄管四圖七

一管一圖 一管二圖 一管三圖

二管一圖 三管一圖 三管二圖

四管一圖

桐廬鄉在縣治西北所轄管二圖四

一管一圖 一管二圖 一管三圖

二管一圖

質素鄉在縣治西北所轄管二圖三

一管一圖

二管一圖

二管二圖

常樂鄉在縣治西北所轄管二圖三

一管一圖

一管二圖

二管一圖

安樂鄉在縣治西北所轄管二圖四

一管一圖

一管二圖

二管一圖

二管二圖

至德鄉在縣治西北所轄管二圖六

一管一圖

一管二圖

一管三圖

二管一圖

二管二圖

二管三圖

鍾山鄉在縣治西北所轄管二圖四

一管一圖

一管二圖

一管三圖

二管一圖

金牛鄉坊郭上隅所轄一里

金牛鄉坊郭下隅所轄一里

金牛鄉坊郭中隅弘治十五年知縣陳和以上

下隅戶口繁庶始析之所轄一里

區分

東南區

西南區

東北區

西北區

村

戴村在縣治東北二里地名九田灣劉宋時戴顯寓居於此故名

千家村在縣治南五里相傳居民甚衆元末紅巾之暴大肆剽殺遂墟其地

嚴村在富春山麓釣臺考證云宋開禧元年嚴守孫叔豹於是山絕頂榛莽中得廢田頃許又見屋址磚石之類當是嚴先生田廬先生故居在嚴山之下今有嚴村居人皆嚴氏自以為先生之後云

金村在桐廬鄉去縣治十五里

儒問村在金牛鄉去縣治十五里

前村在水濱鄉去縣治三十里

梧村在定安鄉去縣治三十二里

城下村在鍾山鄉去縣治四十五里宋景定間盜賊蜂起駱自得率衆作木城以保障故至今名其村曰城下云

坊巷

坊巷之設或以人以事以地各有其義大

率因人而表厥宅里以示勸也桐之邑里坊巷以及南北鄉各有科第牌坊皆載其建立之由其或古存而今廢新燬而未建者亦必存其名于左

坊

依德坊在縣治西四步

贊治坊在縣治東二十步

熙和坊在縣橋東

通津坊在縣橋外

閱禮坊在縣塘路

富仁坊在錢家橋

崇儒坊在學前

純孝坊在倉下

宣化坊在白壁巷內

雙桂坊在董家路口

澄清坊

旌義坊在董家巷口宣和間為徐亨立

狀元坊在董家巷口

興賢坊在驛巷

甘泉坊

仁榮坊在陳家巷內

朝京坊在合江亭前

攀桂坊在高家巷內以下五坊元末為劉真開河而毀

阜民坊在橫街內

壽域坊在方門路

育英坊在方門路

閱武坊在教場路

解元坊在縣治東知縣汪榮為解元姚夔立

同榮坊在縣治東知縣汪榮為舉人姚龍立

會元坊在縣治東知府劉綱為會元姚夔立

聯魁坊在縣治東知府劉綱為進士姚龍立

世美坊在縣治東知縣李堅為舉人姚璧立

飛騰坊在縣治南知縣李堅為舉人諸倫立

世科坊在縣治東知縣李堅為舉人姚稷立燬於

火正德十一年重立

經魁坊在縣治南知縣李堅為舉人俞蓋立

登雲坊在縣治東知縣李堅為舉人俞澤立

凌雲坊在縣治東知縣李堅為舉人吳春立

大宗伯坊在縣治東知府張永為禮部尚書姚夔

立

接武坊在縣治東知縣李琛為舉人羅德立

重奎坊在縣治東知縣馬隆為舉人姚綱立

冢宰坊在縣治東布政使杜謙為吏部尚書姚夔

立燬於火正德十四年重立以解元坊會元坊

附焉

拔俊坊在縣治東知縣何玘為舉人吳崇嶽立

文奎坊在縣治東知縣盧勗為舉人張昂立

京闈進士坊在縣治東亦為舉人張昂立

世美坊在縣治東為舉人羅毓羅博羅聰立

繡衣坊在縣治東為監察御史俞蓋立

世豸坊在按察分司右為監察御史俞蓋俞諫立

內臺總憲坊在遞運所前為右都御史俞諫立

進士坊在水濱鄉知府張永為進士呂聲立

經訓坊在水濱鄉僉事花潤生為進士俞鑑立

流芳坊在質素鄉為郎中俞可立

進士坊在質素鄉叅政張敷華為進士俞澤立

橋梓聯芳坊在質素鄉知府胡韶為淮府長史濮

瑀儀賓濮昌齡立

進士坊在孝泉鄉知府李德恢為進士俞蓋立

桐廬志三  
大都憲坊在孝泉鄉為都察院右都御史俞諫立  
奕世雲霄坊在孝泉鄉為俞演俞蓋俞諫立  
丹鳳昂霄坊在孝泉鄉為舉人趙驪立  
黃甲傳芳坊在孝泉鄉為進士俞蓋俞諫立  
繡衣繼美坊在孝泉鄉為監察御史俞蓋俞諫立  
科第坊在常樂鄉知縣閻暉為舉人柴瑀立  
登科坊在金牛鄉為舉人方衡立  
旌孝坊在桐廬鄉為孝子王瑁立

巷

陳家巷在縣治東

董家巷在縣治東

白壁巷在縣治東一名包家巷

驛巷在桐江驛前

高家巷在縣治東北元末為劉真開河而毀